

MISYON 2020

EN MEYER LAVI POUR TOU SESELWA

VO

KANPANNY FODRE PROP

Kanpanny sal in komanse. Sa semenn, zistwar in sorti lo en lakizasyon kont Kandida Prezidansyel Wavel Ramkalwan. En let sorti kot avoka France Bonte in ganny pibliye dan zournal e lo medya sosyal pou dir ki Msye Ramkalwan in bat en nonmen Steve Marcus Volcere, ki pe demann li R700,000 domaz.

Sa i pa premye manev kanpanny sal lo lapar Parti Lepep/US kont Kandida Prezidansyel LDS. An Fevriye sa lannen, lazans anti-drog ti fouy lo li lo erport, avek bi pou sizere ki i en sipe dan trafik drog. Ler LDS ti denons sa taktik, nou ti eksplike ki sa i fer parti kanpanny sal ki pe al monte.

Sa kalite manev pa nouvo dan politik SPPF/Parti Lepep/US. Zot in fer li dan plizyer eleksyon, kont Msye



Ramkalwan e dan dernyen eleksyon zot ti fer alegasyon kont Msye Patrick Pillay, ki ti en kandida Prezidansyel.

Msye Ramkalwan in denons sa lakizasyon e eksplike ki sa swadizan lensidan ti ariv en ler kot i ti dan komite FPAC ki ti pe pas lo televizyon.

Sa dernyen manev in vin avek konplisite medya, notaman zournal Independent piblye par Ralph Volcere e zournal parti US. Sa i montre ki tou sa la i zis en manev pou fer propagann.

Me la nou'n ariv en staz dan nou demokrasi kot sa kalite kanpanny sal i bezwen arete. Nou'n konbat pou nou ganny en sistenm demokratik kot laplenn politik i pli nivo, e kot napa bann menas, vyolans, manev ilegal e bann taktik sal pou terni repitasyon kandida lopoziyon.

Parti US in pran pouwwar par kou deta e in reste o-pouwwar par servi lafreyer, vyolans, viktimizasyon e mwayen kanpanny malonet. Si nou pa aret tou sa la, sistenm politik pa pou servi lepep Seselwa, i pou zis servi lentere personel.

Wavel Ramkalwan i konpran nouvo zenerasyon

Kandida Prezidansyel LDS, Wavel Ramkalwan, in rebran son program vizit dan distrik avek son lekipe, apre lenteripsyon dan sa de dernyen mwa.

Wikenn pase, zot ti dan distrik Anse Aux Pins kot bann zabitan in byen akeyir zot.

Msye Ramkalwan in fer remark ki dan sa vizit in ganny loportinite zwenn bokou zenn, ki'n tre enterese koz lo lavenir Sesel.

Nou kandida Prezidansyel i konpran konsern laznes lo ledikasyon, loportinite biznes ek lanplwa, e kondisyon pour ganny zot lakaz demen. Son vizit in ranforsi son koneksans e langazman pour laznes.



Lasanble in azir. I depan lo Msye Faure pour konsilte



Anba direksyon LDS, Lasanble Nasyonal in form en Komite Spesyal lo kriz Kovid-19. Sa i donn loportinite pour konsiltasyon lo sa lirezans nasyonal ki tou nou popilasyon i konsernen avek.

Sa demars i montre ki LDS i reste angaze pour en zefor Linite Nasyonal lo sa size. I pa pe demande ki i dan governman pou fer sa.

Malgre plizyer lapel, in napa konsiltasyon ki enplik diferan kote politik lo sa ziskan konmela. Msye Faure in zis reponn ki i tro okipe pou fer li, an menm tan ki i pe lans lapel pour Governman Linite

Nasyonal pour lavenir. Me pourtan nou tia mazinnen ki konsiltasyon la konmela i en priorite.

Sa Komite Spesyal i annan Onorab Ferrari koman tyermenn e bann manm i Waven William, Flory Larue, Gervais Henrie, Churchill Gill, Bernard Georges e Paul Ernesta.

Premye rankont i pou Lendi le 13 Zilyet avek reprezantan departman Komers ek Lagrikiltir.

LDS in touzour pare pou met Linite Nasyonal an pratik. Dan lepase, konmela e a lavenir. Kont lo nou.

Peser Glacis i ankor pe 'struggle'

Dimoun Glacis i demande aköz sa gouvènmèn I kontinyen fer soufer bann peser sa distrik? Menm si Lasosyasyon Peser in ganny kree, lekzekitiv pa tandè. Bann pti keksoz ki minisiter Lapes ek SFA ti kapab fer, zot pa pe fer. En lekzanmp se bann koray dan lapas ki danzere pour bato.

Nou dan LDS, nou dir avek bann peser pa perdi kouraz. Reste determinen parey zot MNA e tre byento zot pou vwar ki keksoz pou sanze pour lemeyer.



Anler, vizit avek zofisyè SFA, MNA Regina Esparon e Lasosyasyon peser. Anba, peser i ankor pe tir koray.



Donn nou en pti nouvel



KASKADYEN

Zot mon nepli konpran kote US I oule ale! La zot pe rod Kandida dan tou kwen e pros pou zot al get dan simityer. Tou presyon I lo bann vye militant ki ti'n fini pran retrait. En bon lekzanmp se pov Ivy ki pe bezwen vin bous sa trou aköz personn pa oule debout pou US. Be sa, pa en labi lo pansyoner?

Lo lot kote, Simon pe rode kote son listwar ti konmanse, si dan en lasenn, si dan lakal en bato. Malerezman sa malere pa konnen ki lesklavaz ti aboli an 1835. Dan lannen 1886, ler Kolande ti ariv Mahe, sete en bato Angle ki ti'n sekour li lo en dav Arab ki ti pe rod vann sa boug. Ou merit dir mersi sa boug pou sov ou zanset!

Kandida VP I ankor dan problemm. La prezan Dany pe reget ankor Marie-Louise ek Vincent. Sanmenm sa ki apel ou pe kwi labwet. I parey en peser ki'n al lapes e ni en pwason I pann kapab redi, alors I bezwen pran en bout labwet makro pou kwi pou dezennen. Douler lo Dany! Aköz ou pa get Sebastien??? Mor pli vit!

Pa en zafer ankor! Ti pe al donn en dalon 20 arpan later dan zarden biodiversite Anse Boileau. Gran mersi LDS ek sipor Waven William, nou'n kapab blok sa transaksyon sal. Vreman, bann-la pa pou zanmen konpran ki later Sesel pa zot propriyete prive pour zot partaze. Fodre tir se zans opouvwat!

Mon dernyen aytenm sa semenn I lo size Covid-19. Nou dan LDS, nou pe ankouraz tou dimoun pou swiv bann direktiv ki Dokter Gedeon I donner. Sityasyon I grav. Me sa ki nou pe demann ek gouvènmèn se ki TOU didmoun I ganny asiste dan en fason zis, dapre promes ki Prezidan Faure ti fer. Sa bann sanz pozisyon, sanz kriter, eksetera, pe kree en kantite fristrasyon. Annou aranze silvouple.

Kaskadyen

Lanrezistremàn Voter i Kontinyen

Biro Komisyon Elektoral pe kontinyen avek larezistremàn voter. Dan letap ki pe vini zot pe propoze pour al pli pre ek tou kominote e ouver nouvo biro dan Sanmdi. Lo kote LDS, nou pe met tou zefor pou ankouraz bann ki pankor anrezistre, sirtou bann zenn, pou fer li. Eleksyon pe aproz vitman e napa bokou letan ki reste. Ler dat eleksyon i anonse ofisyelman, lanrezistremàn i fermen. Vote i drwa ek devwar tou sitwayen. I ou loportinite pou desid lavenir ou pei. Fer li konte.